

## র্যালি, আলোচনা ও সমাবেশের মধ্য দিয়ে ছাত্রলীগের প্রতিষ্ঠাবার্ষিকী পালন

কাগজ প্রতিবেদক : বর্গাচ্য র্যালি, আলোচনা সভা ও বিভিন্ন অনুষ্ঠানমালার মধ্য দিয়ে বাংলাদেশ ছাত্রলীগ প্রতিষ্ঠার ৫৩ তম বার্ষিকী পালন করেছে গতকাল বৃহস্পতিবার।

গতকাল ৪ জানুয়ারির প্রথম প্রহরে

বঙ্গবন্ধু ভবনে বঙ্গবন্ধুর প্রতিকৃতিতে পুষ্পমালা অর্পণ করে তার প্রতি শ্রদ্ধা নিবেদন করা হয়। পরে নেতা-কর্মীরা শপথগ্রহণ করেন। শপথ বাক্য পাঠ করান সংগঠনের সভাপতি বাহাদুর বেপারী। সংক্ষিপ্ত বক্তব্য রাখেন সাধারণ সম্পাদক অজয় কর খোকন।



৫৩তম প্রতিষ্ঠাবার্ষিকী পালন উপলক্ষে ছাত্রলীগ কর্মীরা গতকাল নগরীতে এক বর্গাচ্য র্যালি বের করে

—ভোরের কাগজ

পরে সকাল ১১টায় ঢাকা বিশ্ববিদ্যালয়ের অপরাহ্নেয় বাংলার পাদদেশ থেকে এক বর্গাচ্য র্যালি বের করা হয়। র্যালি বিশ্ববিদ্যালয়সহ নগরীর বিভিন্ন এলাকা প্রদক্ষিণ শেষে শহীদ মিনারে গিয়ে শেষ হয়। র্যালিতে উপস্থিত ছিলেন ছাত্রলীগের সাবেক সভাপতি মোস্তফা জালাল মহিউদ্দীন, সাধারণ সম্পাদক জাহাঙ্গীর কবির নানক, সুলতান মোহাম্মদ মনসুর এমপি, আব্দুর রহমান, এনামুল হক শামীম, ইসহাক আলী পান্না, বাহাদুর বেপারী ও অজয় কর প্রমুখ।

ছাত্রলীগ (চন্ম) গতকাল ভোর ৬টায় দলীয় কার্যালয়ে জাতীয় ও দলীয় পতাকা উত্তোলন এবং কেন্দ্রীয় শহীদ মিনারে পুষ্পার্ঘ্য অর্পণ করে শ্রদ্ধা নিবেদন করে। শহীদ মিনারে শ্রদ্ধা নিবেদন শেষে সমাবেশে বক্তব্য রাখেন করিম সিকদার, মুনির আহমেদ লেনিন, মোতালেব হোসেন প্রমুখ।

ছাত্রলীগ (কাদের-হায়দর) কেন্দ্রীয় সংসদ এ উপলক্ষে এক আলোচনা সভার আয়োজন করে।